

Zbirka medijskih objava

VladaBrckoDistrikta_kliping_dnevno,
za razdoblje 26. 9. 2022

Broj objava: 8

Internet: 5

Štampa: 3

Teme praćenja:

Vlada Brčko Distrikta: 2

Gradonačelnik: 0

Skupština Brčko: 2

Brčko: 5

Vlada Brčko Distrikta:

Internet	Naslov	СЕРВИСНЕ ИНФОРМАЦИЈЕ за понедељак 26.09.2022. године		
Serijski br. 1	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 26. 9. 2022		
	Autor	N. N.		
	Teme	Vlada Brčko Distrikta		

Štampa	Naslov	S hladnijim vremenom i korona se širi		
Serijski br. 2	Medij; Doseg	Oslobođenje; , Bosna i Hercegovina	Stranica: 2	Površina: 357 cm ²
	Rubrika, Datum	U žiži; 26. 9. 2022		
	Autor	Babić Merima		
	Teme	Vlada Brčko Distrikta		

Skupština Brčko Distrikta:

Internet	Naslov	Smajlović: Pozivamo Novalića da objasni maloljetnim borcima u Brčkom zašto su zakinuti za davanja koja njihove kolege u Federaciji već dvije godine primaju /FOTO		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 25. 9. 2022		
	Autor	Unknown		
	Teme	Skupština Brčko Distrikta , Brčko		

Internet	Naslov	KUD "Joco Savić Ilićka": Održan 10. Sabor izvornog pjevanja "Bez izvora nema vode"		
Serijski br. 2	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 26. 9. 2022		
	Autor	Mirsad Zahirović		
	Teme	Skupština Brčko Distrikta		

Brčko:

Internet	Naslov	Sarajevo dobija prvi Centar za osnaživanje žena oboljelih od raka dojke		
Serijski br. 1	Medij; Doseg	Klix.ba; , Bosna i Hercegovina		
	Rubrika, Datum	Ostalo; 25. 9. 2022		
	Autor	S. Š		
	Teme	Brčko		

Internet	Naslov	Delegacija SDA iz Brčkog u Bosanskom Šamcu: Danas se navršava osam godina od smrti Sulejmana Tihica /FOTO		
Serijski br. 2	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 25. 9. 2022		
	Autor	Unknown		
	Teme	Brčko		

Internet	Naslov	Smajlović: Pozivamo Novalića da objasni maloljetnim borcima u Brčkom zašto su zakinuti za davanja koja njihove kolege u Federaciji već dvije godine primaju /FOTO		
Serijski br. 3	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 25. 9. 2022		
	Autor	Unknown		
	Teme	Skupština Brčko Distrikta , Brčko		

Štampa	Naslov	Javnim resursima i izazivanje, netrpeljivosti do dolaska na vlast		
Serijski br. 4	Medij; Doseg	Dnevni list; , Bosna i Hercegovina	Stranica: 4	Površina: 1.116 cm ²
	Rubrika, Datum	Događaji; 26. 9. 2022		
	Autor	V.S Herceg		
	Teme	Brčko		

Štampa	Naslov	Organska hraba je budućnost		
Serijski br. 5	Medij; Doseg	Dnevni list; , Bosna i Hercegovina	Stranica: 6	Površina: 1.153 cm ²
	Rubrika, Datum	Događaji; 26. 9. 2022		
	Autor	Unknown		
	Teme	Brčko		



klix
U OPĆINI STARI GRAD



Sarajevo dobija prvi Centar za osnaživanje žena oboljelih od raka dojke

S. Š.

3





U Sarajevu je danas održana šetnja "Race for the cure" (Foto: Općina Stari Grad)

19 min



U Općini Stari Grad će se otvoriti prvi "Think Pink" centar, a riječ je o Centru za osnaživanje žena oboljelih od raka dojke i prevenciju ove bolesti koji će biti prvi ustanova ove vrste u Bosni i Hercegovini.

“Briga o ženama oboljelim od raka dojke nije sistemski riješena i žao nam je što nemaju mnogo bolje uslove da se nose sa ovom teškom bolešću. Zbog toga smo odlučili da zajedno sa organizacijom Think Pink, koja se bori za bolji tretman oboljelih žena napravimo pozitivne iskorake u zaštiti i brizi za zdravlje žena i pokrenemo prvi centar u Bosni i Hercegovini koji će im pružati sve na jednom mjestu”, izjavio je Hadžibajrić.

Centar će se nalaziti u ulici Trg Fra Grge Martića, pored same Katedrale, a svim oboljelim ženama pružat će psihosocijalnu podršku, ali i besplatni smještaj pacijenticama koje su zbog liječenja primorane doći iz drugih kantona i često nemaju gdje prespavati ili sačekati preglede.

Direktorica Organizacije Think Pink Nela Hasić kazala je da je saradnja sa Općinom Stari Grad i općinskim načelnikom Ibrahimom Hadžibajrićem primjer dobre prakse i uspješnog partnerstva vladinog i nevladinog sektora oko zajedničkog socijalnog, ekonomskog, društvenog i zdravstvenog problema, te da će otvaranjem ovog Centra Sarajevo biti pozicionirano na mapi svjetskih pink gradova koji pružaju podršku ženama oboljelim od raka dojke.

"Zahvalni smo općinskom načelniku Ibrahimu Hadžibajriću što je prepoznao ono što radi naša organizacija i odmah se odlučio uključiti u ovu inicijativu. Dobili smo prostor u samom centru grada, u blizini svih putnih komunikacija i to će ženama mnogo značiti. Centar ćemo otvoriti ne samo za žene iz Kantona Sarajevo, nego i cijele BiH jer mi sve ove godine jako puno radimo i sa ženama i udruženjima iz Republike Srpske i Brčko Distrikta. U Think Pink centru pružat ćemo im psihosocijalnu podršku kroz rad sa psihologom, grupne sesije, časove meditacije i joge, savjetovanja iz oblasti nutricionizma, ali i savjete medicinskih stručnjaka i mogućnost dobijanja drugog mišljenja u vezi sa dijagnozom. Mnoge žene ne mogu dobiti ovakvu uslugu u mjestima u kojima se liječe, a mi ćemo otvoriti vrata za sve njih i zato je ovaj projekat izuzetno značajan", izjavila je Hasić.

Planirano je da Think Pink Centar sa radom počne do kraja godine, ukoliko budu završeni svi radovi na opremanju prostora.

Tim Općina Stari Grad sakupio 3.500 KM za oboljele žene

Načelnik Ibrahim Hadžibajrić pored institucionalne pružio je i ličnu podršku projektu Race for the cure formirajući tim Općina Stari Grad koji je sakupio sredstva u iznosu od tri hiljade i 500 KM za ovu humanu misiju. Tim je činilo više od 120 uposlenika Općine Stari Grad Sarajevo, građana, te poslovnih saradnika i privrednika koji su učestvovali registracijama i donacijama sredstava.

I ove godine Općina Stari Grad Sarajevo bila je jedina institucija koja je na ovakav način i u ovakvoj mjeri podržala trku/šetnju "Race for the cure", a što uključuje institucionalnu i individualnu podršku uposlenih.

"Zahvaljujem se svim uposlenicima Općine Stari Grad, mojim saradnicima, privrednim subjektima i posebno građanima koji su na ovaj način, vlastitim sredstvima, podržali ovu humanu akciju i pridružili se našem timu. Na ovaj način smo pokazali suosjećanje sa svim ženama oboljelim od raka dojke i spremnost da im pružimo ruku i pomoć kada im zatreba", poručio je načelnik Hadžibajrić.

Tim se okupio danas ispred zgrade Općine Stari Grad odakle su šetnjom stigli do Sarajevo City Centra gdje su se pridružili ostalim učesnicima.

Načelnik Hadžibajrić je uz američkog ambasadora Michaela Murphyja, gradonačelnicu Sarajeva Benjaminu Karić i direktoricu Organizacije Think Pink Nerminu Hasić predvodio nekoliko hiljada učesnika šetnje Race for the cure koja je i ove godine poslala snažnu poruku jedinstva i solidarnosti sa svim ženama oboljelim od raka dojke.

Znate nešto više o temi ili želite prijaviti grešku u tekstu?

rak dojke

Općina Stari Grad

Ibrahim Hadžibajrić

Race for the cure

Think pink

PRIKAŽI SVE KOMENTARE (3)

Vezani članci



15. PO REDU

Na utrci "Race for the Cure" u Sarajevu hiljade ljudi dalo podršku ženama oboljelim od raka

FINANSIRAO STARI GRAD

Porodica Kičina iz Tešnja uselila u novi dom:
Hadžibajrić uručio ključeve novosagrađene kuće

UVEĆANJE SREDSTAVA

Općina Stari Grad izdvaja milion KM više za učenike, studente, djecu s hroničnim oboljenjima i ugrožene

[Početna](#)[Impressum](#)[Komentari](#)[Kontakt](#)[Marketing](#)[O nama](#)[Privatnost](#)[RSS](#)

[Consent choices](#)



Danas se navršava osam godina od smrti Sulejmana Tihića /FOTO

Na današnji dan prije osam godina preminuo je bivši predsjednik Stranke demokratske akcije (SDA) Sulejman Tihić.

Tokom političke karijere Tihić je obavljao više funkcija u izvršnoj i zakonodavnoj vlasti, a 2002. godine bio je izabran za člana Predsjedništva BiH.



Sulejman Tihić [Anadolija]

Nakon duge i teške bolesti preminuo je u Sarajevu 25. septembra 2014. godine, a ukopan je 27. septembra u haremu džamije Azizija u Bosanskom Šamcu.

Diplomirao je na Pravnom fakultetu u Sarajevu. U periodu od 1975. do 1983. godine je bio sudija i javni tužilac u Bosanskom Šamcu, a zatim advokat sve do 1992. godine.

Bio je član je Stranke demokratske akcije od njenog osnivanja 1990. godine, predsjednik Općinskog odbora u Bosanskom Šamcu i član Glavnog odbora.



Delegacija SDA iz **Brčkog** posjetila je Tihćev mezar u Bosanskom Šamcu.

Otisak.ba

 otisak.ba

Pozivamo Novalića da objasni maloljetnim borcima u **Brčkom** zašto su zakinuti za davanja koja njihove kolege u Federaciji već dvije godine primaju /FOTO

U Domu kulture u Brezovom Polju održan je predizborni skup političke organizacije Narod i Pravda **Brčko** distrikt BiH. U punoj sali Doma kulture prisutnima su predstavljani kandidati za Federalni parlament gdje je Narod i Pravda u koaliciji sa Strankom penzionera i umirovljenika pod nazivom POVJERENJE, Rasim Smajlović, Nusreta Ferizagić te gosti koji su nas posjetili iz Gračanice Admir Hirkić koja je također kandidat Naroda i Pravde.

Nakon otvaranja sastanka prisutnima se obratio politički sekretar Naroda i Pravde **Brčko** distrikta BiH, te potpredsjednik Glavnog odbora Naroda i Pravde BiH i kandidat za Federalni parlament BiH gospodin Rasim Smajlović koji je istako koliko su borci sa naših prostora zakinuti u odnosu na kolege iz Federacije:



“Pozivamo premijera FBiH gospodina Fadila Novalića da objasni maloljetnim borcima u Brčko distriktu BiH zašto su zakinuti za davanja koja njihove kolege u Federaciji već dvije godine primaju a naši maloljetni borci su do sada zakinuti za po 5000KM.”

Nusreta Ferizagić ,predsjednica mladih Naroda i Pravde Brčko distrikta istakla je koliko je Brčko distrikt Bosne i Hercegovine važan .



“Brčko distrikt BiH je strateški važno za održavanje suvereniteta i integriteta BiH. Federaciji BiH treba približiti važnost našeg grada jer je Brčko distrikt tačka koja sve može ili održati ili srušiti. Mi nećemo dozvoliti da vladaju oni koji svoju državu i svoj narod ne vole. Mi sa sigurnošću možemo reći da smo najveća prijetnja postojećem sistemu i da ćemo se krvnički boriti za ono što volimo.”



Za kraj, prisutnima se obratio i predsjednik Naroda i Pravde **Brčko** distrikta Bosne i Hercegovine, poslanik u **Skupštini Brčko distrikta** BiH, gospodin Damir Bulčević. U svom obraćanju je istako koliko je mladih ljudi napustilo **Brčko** distrikt, kao i broj onih koji su napustili Bosnu i Hercegovinu. Također je istakao da mnogo ljudi čeka 3. oktobar da vidi koji su rezultati izbora i da će to biti okidač za njihovu odluku da li ostati ili otići?

“Od januara do juna u **Brčko** distriktu BiH 1600 mladih, sposobnih i pametnih ljudi je tražilo Uvjerjenje o nekažnjavanju od Policije za rad u drugoj zemlji. Ukoliko se nastavi ova politika sve više ljudi će odlaziti iz Bosne i Hercegovine. Moramo mijenjati one koji nas svojim politikama tjeraju iz naše domovine.”

(sponzorirana objava)

 radiobrcko.ba

СЕРВИСНЕ ИНФОРМАЦИЈЕ за понедељак 26.09.2022. године – RNU "Radio **Brčko**" **Brčko** distrikt BiH

☐ "Poslušajte"

РЈ ЕЛЕКТРОДИСТРИБУЦИЈА



Застоји у испоруци електричне енергије:

- МЗ Дубраве већи дио и МЗ Церик, застој у времену 09:00-12:00 h.
- МЗ Поточари мањи дио, могућ застој у трајању до 30 минута у току дана;

РЈ ВОДОВОД И КАНАЛИЗАЦИЈА

- Санација цурења на водоводној мрежи ради се у ул. Браће Рибникар те су могући застоји у испоруци воде
- У МЗ Д. Зовик ради се на прикључењу нових корисника на водоводну мрежу
- У другим дијеловима градског водоводног система се очекује уредно снабдијевање
- На свим локалним водоводним системима су могући поремећаји у водоснабдијевању у виду пада притиска и прекида водоснабдијевања, услед недовољне количине воде на извориштима
- Квалитет воде је задовољавајући и одговара Правилнику о здравственој исправности воде за пиће (Сл. гласник БиХ, бројеви: 40/10, 43/10 и 30/12).

РЈ ЧИСТОЋА

Служба за управљање отпадом

Према плану, данас ће прикупљање и одвоз смећа од правних и физичких лица бити организовано у насељима:

Центар – Српска Варош – Илићка – Поточари, Грчица, Диздаруша – Пољопривредник, Бродуша – Стари Расадник – Брод лијева страна, Плазуље – Грбавица – Доњи Рахић – Улице – Горице, Муџићи – Глухаковац – Брод десна страна, Вучиловац – Дренава.

Служба за јавну хигијену

Одржавање јавних, зелених и саобраћајних површина ће се одвијати у складу са Планом и програмом надлежног одјељења **Владе Брчко** дистрикта БиХ за одржавање јавних површина:

- Сакупљање и уклањање отпадака са јавних површина, ручно чишћење јавних површина, пражњење посуда за отпатке.
- Одржавање пјешачке зоне и Булеvara Мира: чишћење, сакупљање отпадака и пражњење корпица
- Одржавање јавних и зелених површина у складу са годишњим планом

Сектор за збрињавање напуштених животиња

- *Удомљавање паса* из азила сваког уторка и петка од 10:00 – 11:00 h

ОСТАЛЕ АКТИВНОСТИ

О *осталим услугама* које пружа ЈП „Комунално **Брчко**“ можете сазнати више у корисничком сервису на www.komunalno.ba или контактирањем Позивног центра 0800 505 07.

Svi članci objavljeni na internet stranici Radija **Brčko** (www.radiobrcko.ba) isključivo su vlasništvo redakcije. Radio **Brčko** dopušta ograničeno i povremeno prenošenje članaka sa svoje internet stranice u drugim medijima. Drugi mediji smiju prenijeti informacije iz pojedinih članaka sa Internet stranice Radija **Brčko** (www.radiobrcko.ba) isključivo kao kratku vijest od najviše četiri reda (300 slovnih znakova), uz obavezno navođenje izvora (Radio **Brčko**), pri čemu su on-line izdanja dužna objaviti link na originalni tekst na web stranicu radiobrcko.ba, ukoliko s uredništvom portala nije postignut dogovor o drugačijim uslovima. Radio **Brčko** je odlučan u nastojanju da zaštiti svoje intelektualno vlasništvo i rad svojih autora. Ukoliko se bilo koji dio teksta ili informacija iz teksta objavljenog na internet stranici www.radiobrcko.ba prenese suprotno ovim pravilima, protiv prekršioca će biti pokrenut pravni postupak pred Osnovnim sudom **Brčko** distrikta. Za detaljnije informacije o uslovima korištenja kliknite na

[USLOVI KORIŠTENJA](#)



Održan 10. Sabor izvornog pjevanja “Bez izvora nema vode” – RNU "Radio **Brčko**" **Brčko** distrikt BiH

☐ "Poslušajte"

Kulturno umjetničko društvo „Joco Savić Ilićka“ sinoć je u brčanskom Domu kulture održalo deseti po redu Sabor izvornog pjevanja pod nazivom „Bez izvora nema vode“.



Svojim pjevačkim, guslarskim i igračkim umijećem brčanskoj publici pored domaćih izvođača predstavili su se i gosti iz:


- SKUD „Vojković“ Istočno Sarajevo
- SKUD „Slavija“ Tilava
- Izorna grupa „Mladost“ Pale
- KUD „Milenko Đukić Čiko“ Bijeljina-Muška i ženska pjevačka grupa
- KUD „Istočni stari grad“ muška izvorna grupa Vučija Luka
- KUD „Zavičaj“ Sokolac
- Muška i ženska izvorna grupa „Romanijsko vrelo“ Mokro
- „Planinke“ Pale
- Izorna grupa „Sveti Vasilije Čudotvorac“ Rogatica

- Muška pjevačka grupa „Bratunac“ Bratunac
- Zavičajni klub „Izvor“ udruženje sarajevsko-zeničke regije, Doboj
- SPKD „Prosvjeta“ Lopare
- KUD „Kozara“ Gornji Podgradci
- guslarka Violeta Krajšnik

“Velika mi je čast što se ova manifestacija održala baš u **Brčkom** koje je primjer drugim gradovima u BiH po svojoj bogatoj raznolikosti”, rekao je Panto Bašić, potpredsjednik KUD “Joco Savić Ilička” te dodao da osim čuvanja na ovaj način se i prenosi znanje, običaji i tradicija nadolazećim generacijama.

Kulturni program su otvorili najmlađi članovi iz folklorne sekcije KUD “Joco Savić Ilička” i etno grupa koja njeguje etno pjesme svih regija u kojima živi srpski narod.

Uz pozdravne poruke prisutnima se obratio i Siniša Milić predsjednik **Skupštine Brčko distrikta** BiH uz riječi hvale organizatorima, ističući da ovakvim i sličnim manifestacijama se čuvaju od zaborava običaji i tradicija.



“Mi smo sretni što ovakve manifestacije postoje, a smatram da nikad nije dosta kada je u pitanju predstavljanje sadržaja koji govori o kulturi, historiji, identitetu i mislim da treba raditi više na promociji kulturnih običaja”, dodala je Rada Janjušić, predsjednik skupštine zavičajnog kluba “Izvor Doboj”.

Potrebno je raditi na širenju ove manifestacije koja će obuhvatiti puno više gradova i država, te se nadamo da ćemo uspjeti u budućnosti ugostiti i pripadnike drugih naroda i time predstaviti kulturno bogatstvo ovih prostora, dodali su organizatori.

“Kulturno umjetnička društva povezuju mlade ljude i neopisiv je osjećaj putovati širom svijeta i upoznati mnogo novih prijatelja, a uz to predstaviti svoj narod, običaje, kulturu, historiju i tradiciju”, rekli su mlađi izvođači sinočnjeg sabora.

Svi članci objavljeni na internet stranici Radija **Brčko** (www.radiobrcko.ba) isključivo su vlasništvo redakcije. Radio **Brčko** dopušta ograničeno i povremeno prenošenje članaka sa svoje internet stranice u drugim medijima. Drugi mediji smiju prenijeti informacije iz pojedinih članaka sa Internet stranice Radija **Brčko** (www.radiobrcko.ba) isključivo kao kratku vijest od najviše četiri reda (300 slovnih znakova), uz obavezno navođenje izvora (Radio **Brčko**), pri čemu su on-line izdanja dužna objaviti link na originalni tekst na web stranicu radiobrcko.ba, ukoliko s uredništvom portala nije postignut dogovor o drugačijim uslovima. Radio **Brčko** je

odlučan u nastojanju da zaštiti svoje intelektualno vlasništvo i rad svojih autora. Ukoliko se bilo koji dio teksta ili informacija iz teksta objavljenog na internet stranici www.radiobrcko.ba prenese suprotno ovim pravilima, protiv prekršioca će biti pokrenut pravni postupak pred Osnovnim sudom **Brčko** distrikta. Za detaljnije informacije o uslovima korištenja kliknite na

[USLOVI KORIŠTENJA](#).

Tagovi

[KUD "Joco Savić Ilička"](#)



Koalicija pod lupom analizirala kampanju i izbore iz 2020.

Javnim resursima i i zazivanjem netrpeljivosti do dolaska na vlast

• Piše: V.S.Herceg
• mostar@dnevni-list.ba

Koalicija za slobodne i poštene izbore „Pod lupom“, osnovana u svibnju 2014. godine s ciljem provođenja projekta građanskog, nestranačkog posmatranja izbora, izradila je Interaktivnu mapu izbornih nepravilnosti iz posljednjih lokalnih izbora 2020. godine u Bosni i Hercegovini.

Zbirno izvješće pokazalo je ukupno 243 izborne nepravilnosti od kojih su najučestalije bile upotrebe javnih resursa (80), potom raspirivanje netrpeljivosti (30), rad službenika u kampanji (27), zabranjenu kampanju (26), zlouporaba osobnih podataka (17), pritiske na birače ili kupovinu glasova (17), pristrano medijsko izbjescivanje, trgovina mjestima u biračkim odborima (12), pritisci na OCD (9) te pritisci na medije (8).

U Mostaru samo jedna nepravilnost - izazivanje netrpeljivosti

Podsjetimo da se nametanjem tzv. tehničkih izmjena i dopuna u Izbornom zakonu od strane visokog predstavnika u BiH predviđaju znatno strožije kazne i za zlouporabu javnih resursa tijekom predizbornih kampanja, ali i samih izbora, a što je najčešće detektirana nepravilnost.

Opširnost podataka ne dopušta prenošenje u cijelosti rezultata istraživanja Koalicije pod lupom te ćemo se osvrnuti samo na one najzanimljivije.

Mostar, odnosno Grad Mostar, jedan od najzanimljivijih lokalnih zajednica. Naime, tu je istraživanje pokazalo samo jednu vrstu nepravilnosti i to jedan slučaj raspirivanja netrpeljivosti, navodeći pri tom samo jedan tekst objavljen u jednom mediju. Prema ovom rezultatu, a izuzimajući navedeni tekst, čini se da je u Mostaru tijekom predizborne kampanje, odnosno, izbora, sve bilo savršeno.

Ilidža se značajno koristila javnim resursima u stranačke svrhe

Što se tiče Banja Luke, tu je stanje malo 'raznovrsnije'. Zabilježena su dva slučaja raspirivanja netrpeljivosti, te po jedan slučaj zlouporabe javnih resursa, zabranjene kampanje i zlouporabe osobnih podataka.

Vrlo zanimljivi su rezultati u općini Ilidža gdje se uvjerljivo najviše manipuliralo javnim resursima (u 8 slučajeva), a potom i raspirivanjem netrpeljivosti (2), a isto toliko je bilo i pritiska na birače ili kupovine glasova, dok je zabilježen i po jedan slučaj zabranjene kampanje i rada službenika u kampanji.

Javni resursi prilikom izbora najviše su se koristili i u općini Novi Grad Sarajevo (4 zabilježena slučaja zlouporabe), ali i jedan slučaj raspirivanja netrpeljivosti, dok je u općini Centar Sarajevo zabilježen po jedan slučaj zlouporabe javnih resursa, pritiska na birače i raspirivanja netrpeljivosti.

Općine bez ijedne zabilježene nepravilnosti

No, za spomenuti je da, primjerice, u općini Široki Brijeg nije zabilježena niti jedna nepravilnost. Značajan je niz općina u kojima nije zabilježena niti jedna nepravilnost tijekom posljednjih lokalnih izbora - nisu registrirane u općini Gradiška, Kozarska Dubica, Kostajnica, Odžak, Orašje, Domaljevac-Šamac, Mrkonjić Grad, Šipovo, Jezero, Prnjavor, Pelagićevo, Šamac, Modriča, Doboj, Stanari, Čelinac, Kneževo, Kotor Varoš, Oštra Luka.

Nema registriranih nepravilnosti niti u općinama Ribnik, Donji Vakuf, Jajce, Konjic, Drvar, Kreševo, Fojnica, Busovača, Vitez, Kakanj, Kalesija, Olovo, Breza, Vogošća, Visoko, Fojnica, Vareš, Trnovo, Čitluk, Čapljina, Stolac, Posušje, Kupres, Ravno, Nevesinje, Gacko, Berkovići, Ljubinje, Istočni Mostar, Kalinovnik, Goražde, Pale, Osmaci.

Srebrenica - zlouporaba javnih resursa najčešća

Daleko najviše nepravilnosti na posljednjim lokalnim izborima u BiH zabilježeno je u Srebrenici. Međutim, suprotno kako mnogi možda očekuju, najviše je zabilježeno zloupotrebe javnih resursa (7 slučajeva) te javni službenici angažirani u kampanj (5 slučajeva) dok je "tek" jedan zabilježeni slučaj pritiska na birače i raspirivanja netrpeljivosti.

S obzirom da je riječ o općini Srebrenica gdje su stalne političke i nacionalne tenzije, više nego začu-

đujući su ovakvi rezultati koji pokazuju razinu manipulacije javnim resursima.

-Većinom javnim resursima raspolaže načelnik i iste koristi u svrhu kampanje uz obrazloženje kako je izabran kao neovisni kandidat, ispred srpskog bloka, i da je u obvezi ispunjavati planom zacrtane aktivnosti, jedno je od pojašnjenja kada se govori o zabiljezanim slučajevima zlouporabe javnih resursa u izborne svrhe, a što je slaba strana i drugim političkim strankama.

-Primjećeno da uposlenici elektrodistribucije Srebrenica postavljaju plakate za načelnika opštine Mladena Grujičića. SDA je 20.10.2020 za svoju osobnu promociju iskoristila otvaranje asfaltiranog puta Sućeska - Žutica... Načelnik u redovitim aktivnostima promovira sebe kao kandidata ispred političke stranke... Izvode se radovi na terenu (asfaltiranje lokalnih puteva, izgradnja MZ, itd.) koriste se u svrhu promocije stranke i pojedinca... Službenici organiziraju sastanke po Mjesnim zajednicama.

ma i pozivaju na glasanje. Isti na svojim FB profilima promoviraju kandidata Koalicije za načelnika... Većina uposlenih je politički angažirana, članovi su neke stranke i samim time su u kampanji svoje političke opcije, samo su neki od pojašnjenja nepravilnosti uočenih u Srebrenici tijekom lokalnih izbora 2020. godine.

U predizborno vrijeme intenziviraju se radovi, otvaraju putevi i ustanove itd.

Upravo pojašnjenja zlouporaba javnih resursa, koja je ujedno i najčešća manipulacija birača u predizbornoj kampanji bh političara, pokazuju o kojim se suptilnom, "prikrivenom oglašavanju" i promociji radi - najčešće su to otvaranja ili početak infrastrukturnih radova, puteva, dionica itd., ili otvaranje raznih ustanova i to najčešće bez navođenja financijera radova ili intenziviranje radova. I to je zabilježeno u svim općinama gdje su registrirane ove nepravilnosti.

Prenosimo neke od primjera koje je zabilježila Koalicija pod lupom:

"Intenziviranje infrastrukturnih radova: Započeli su intenzivni radovi na obnovi puteva na području Općine Novi Travnik. Trenutno se obnavlja put u industrijskoj zoni Bratstvo, a obnova se vezuje za vladajuću koaliciju HDZ-SDP, renovirano nekoliko stotina metara regionalnog puta u MZ Opara, nemamo infomarciju tko financira navedenu obnovu puteva", ili "Intenziviranje infrastrukturnih radova: Izgradnja 2 kružna toka u **Brčkom**, radovi u mjesnim zajednicama Brka, Omerbegovača", ili "Stranka demokratske akcije - OO Bugojno, objavljuje na svojoj fb stranici da su započeli intenzivni radovi na asfaltiranju lokalnih puteva, koje financira Ministarstvo prostornog uređenja SBK/KSB, Amir Šećibović kao Ministar i predsjednik OO SDA Bugojno", "Asfaltiranje lokalne prometnice u ukupnoj dužini 231 metar. Vrijednost radova 20 693,00 km. Projekt financira Općina Vitez, a na svojoj službenoj fb stranici objavljuje HDZ BiH Vitez. Selo Lupac isto dobilo novi asfalt" itd.

Razni su i pritisci na birače. Primjerice u općini Ilidža, a kako navodi Koalicija pod lupom pozivajući se na meidje, "široj javnosti na Ilidži je poznato da SDA u ovoj općini ucjenjuje brojne građane tako što im prijeti da će ostati bez posla u javnom i privatnom

sektoru ukoliko ne glasaju za ovu stranku i ne prilože fotografiju kao dokaz da su glasali za njih. O tome je javno na FaceTV-u progovorio i Nermin Muzur, kandidat Četvorke za načelnika Općine Ilidža".

Raspirivanje netrpeljivosti drugi najčešći način dolaska na vlast

Raspirivanje netrpeljivosti bila je druga najčešća 'anomalija' lokalnih izbora 2020. godine.

Tako je u Gradačcu zabilježen "Govor mržnje i netrepeljivost između SDP i SD Gradačac kroz javna priopćenja", u Derventi su se, primjerice, uočili slučajevi uništavanja plakata političkih subjekata i međusobno optuživanje za takve radnje, a isto je zabilježeno i u drugim općinama, dok je predizborni spot Ujedinjene Srpske također je okarakteriziran kao raspirivanje netrpeljivosti.

"U Srebrenici za slavu crkve puštala se muzika u crkvenom dvorištu koja vrijeđa bošnjačke građane. Na slavi crkve bili su prisutni i politički predstavnici", "zabilježen fizički napad na Tarika Hošića, kandidata za općinskog vijećnika ispred Platforme za progres na Ilidži", "...Prilikom opisivanja članova oporbe prof. Dr Vlado Đajić koristi termine: Monstrumi, diletanti" itd.

Ostaje za vidjeti kako će izgledati analiza nepravilnosti Koalicije pod lupom ovogodišnje predizborne kampanje i listopadskih općih izbora.

Zbirno izvješće pokazalo je ukupno 243 izborne nepravilnosti od kojih su najučestalije bile upotabe javnih resursa (80), potom raspirivanje netrpeljivosti (30), rad službenika u kampanji (27), zabranjenu kampanju (26), zlouporaba osobnih podataka (17), pritiske na birače ili kupovinu glasova (17), pristrano medijsko izbjješćivanje, trgovina mjestima u biračkim odborima (12), pritisci na OCD (9) te pritisci na medije (8).





Organska hrana je budućnost

Bosna i Hercegovina, zahvaljujući prirodnim resursima, biološkoj raznolikosti, pogodnoj klimi i dugoj tradiciji proizvodnje hrane ima odlične preduvjete i potencijal da domaćem i međunarodnom tržištu ponudi proizvode sa dodanom vrijednošću u kojima će uživati svi njihovi konzumenti.

Takvi proizvodi se dobijaju od autentičnih sirovina biljnog ili životinjskog podrijetla. Često imaju specifičan postupak proizvodnje, jedinstvenu recepturu i pripremu, a u njima je sažet i dio povijesti, kulture, religije i tradicionalnog načina života.

Upravo takvi proizvodi postaju predmet sve većeg zanimanja domaćih potrošača, turista kao i potrošača u drugim dijelovima svijeta.

- Podrška proizvodnji prehrambenih proizvoda sa specifičnim oznakama, kao i njihova promocija mogu značajno obogatiti turističku ponudu i doprinijeti razvoju ruralnih područja. Proizvodi zaštićeni oznakama podrijetla i zemljopisnog podrijetla su prepoznatljiviji na tržištu, samim tim konkurentniji i u pravilu imaju veću tržišnu cijenu od sličnih srodnih proizvoda. Preduvjet za valorizaciju i podizanje vrijednosti tradicionalnih bosanskohercegovačkih proizvoda bilo je preuzimanje relevantnih propisa Europske unije kroz Pravilnik o sustavima kvaliteta za prehrambene proizvode koji je, u suradnji s nadležnim institucijama entiteta i Brčko distrikta BiH, pripremila Agencija za sigurnost hrane Bosne i Hercegovine, a donijelo Vijeće ministara Bosne i Hercegovine. Nakon toga je u našoj zemlji započet proces zaštite prehrambenih proizvoda oznakama podrijetla, zemljopisnog podrijetla i zajamčeno tradicionalnog specijaliteta u okviru kojeg je dosad zaštićeno pet proizvoda. Oznakom podrijetla zaštićeni su Livanjski izvorni sir i Drvarski mučeni pekmez od drenjina, dok su oznakom zemljopisnog podrijetla zaštićeni Nevesinjski krompir, Visočka pečenica i Livanjski sir, rekao nam je Dalibor Vidačak, stručni savjetnik za komunikaciju i međunarodnu suradnju u Agenciji za sigurnost hrane BiH.

Potpora iz EU

Postupak registracije oznaka u Bosni i Hercegovini provodi Povjerenstvo za registraciju oznaka podrijetla i oznaka zemljopisnog podrijetla prehrambenih proizvoda u Bosni i Hercegovini koje je imenovano od strane Vijeća ministara Bosne i Hercegovine, na prijedlog Agencije za sigurnost hrane Bosne i Hercegovine, dok provjeru usuglašenosti sa specifikacijom proizvoda provode kontrolna tijela koja djeluju kao tijela za ocjenjivanje usklađenosti ovlaštena od Vijeća ministara Bosne i Hercegovine.

- Za zaštićene oznake podrijetla, zaštićene oznake zemljopisnog podrijetla i zajamčeno tradicionalnog

specijaliteta koje označavaju proizvode, provjeru usuglašenosti sa specifikacijom provodi jedno ili više kontrolnih tijela koja djeluju kao tijela za ocjenjivanje usklađenosti ovlaštena od Vijeća ministara Bosne i Hercegovine, na prijedlog Agencije za sigurnost hrane BiH. S obzirom da je Pravilnik o sustavima kvalitete za prehrambene proizvode usklađen s propisima EU, proizvođači iz Bosne i Hercegovine imaju mogućnost zahtjeva i stjecanja odgovarajuće oznake i na razini Europske unije. Na razini EU, do kraja 2021. godine, zaštićeno je i ukupno registrirano 1.635 naziva poljoprivrednih i prehrambenih proizvoda, od čega 668 naziva oznakom podrijetla, 905 naziva oznakom zemljopisnog podrijetla i 62 naziva oznakom zajamčeno tradicionalnog specijaliteta, dodaje Vidačak.

Uz Agenciju za sigurnost hrane Bosne i Hercegovine koja je nositelj aktivnosti registracije oznaka podrijetla, zemljopisnog podrijetla i zajamčeno tradicionalnog specijaliteta u Bosni i Hercegovini, kroz novčane poticaje proces registracije podržavaju i entitetska ministarstva poljoprivrede. Federalno ministarstvo poljoprivrede, vodoprivrede i šumarstva, u skladu s Pravilnikom o uvjetima i načinu ostvarivanja novčanih podrški po modelu ostalih vrsta podrški pruža podršku za sufinansiranje troškova uvođenja i certificiranja standarda u poljoprivredi i prehrambenoj industriji i EU standarda do 75 posto iznosa prihvatljivih troškova za uvođenje standarda, a najviše do 15.000 KM. Ministarstvo poljoprivrede, šumarstva i vodoprivrede Republike Srbije u sklopu mjere podrške ruralnom razvoju, daje poticajna sredstva za izradu elaborata ili specifikacije proizvoda potrebne za registraciju oznake podrijetla, oznake zemljopisnog podrijetla i zajamčeno tradicionalnog specijaliteta u visini do 50 posto od investiranih sredstava, koja ne mogu biti veća od 10.000 KM po korisniku.

- U suradnji s Uredom FAO u BiH, Agencija za sigurnost hrane BiH nedavno je implementirala projekt "Jačanje administrativnog sustava za upravljanje i podršku oznakama zaštite zemljopisnog podrijetla" koji je također dao značajan doprinos unaprijeđenju procesa registracije oznaka prehrambenih proizvoda u Bosni i Hercegovini, a u tijeku su i aktivnosti na unaprijeđenju sustava registracije oznaka podrijetla, zemljopisnog podrijetla i zajamčeno tradicionalnog specijaliteta u sklopu IPA Twinning projekta "Podrška EU izgradnji kapaciteta i postupom usklađivanju s pravnom stečevinom EU u sektoru sigurnosti hrane", ističe Vidačak.

Jasmina Čušić iz Čapljine proizvođačica je hrane. I to je za ovu profesoricu engleskog jezika izvor egzistencije, s obzirom da u struci nije uspjela ostvariti radni odnos. O nastanku svojih proizvoda kaže da itekako prati i istražuje što koristi u procesu nastanka, jer je to ključno za uspješan urod i kasniji plasman.

- Uglavnom se pazi da se koriste

ekološki preparati koji su danas mnogo više dostupni nego prije pet i više godina. Cijeli svijet proizvodi organsku hranu i ide se u tom smjeru i kod nas. Najviše tih preparata je na bazi morskih algi. Taj preparat je koristan i dosta pomaže biljkama. Najbolja opcija za kvalitetnu proizvodnju je prije svega detaljna analiza zemljišta. Svatko tko želi proizvoditi mora znati što mu nedostaje u zemljištu na mjestu gdje će sijati ili saditi. Svi nedostaci se moraju na vrijeme otkloniti. Na vrijeme se moraju pronaći sredstva koja bi nadomjestila te nedostatke, ističe Čušić.

Za izvoz u Europsku uniju postoje točne određeni pragovi za uporabu pesticida. Samo sticanje certifikata donosi slobodu za uporabu i pesticida, ali u određenim mjerama.

- Sustav kontrole u Bosni i Hercegovini je iznimno važan. Posebno u mjestima u kojima se ljudi uglavnom bave poljoprivredom. Iz iskustva mogu reći da taj sustav danas kod nas praktično ne postoji. Kontrole skoro da nema. Agencije bi više morale raditi. Morali bi se uzimati uzorci za analize, ali toga kod nas nema. Kvaliteta vode koja se koristi za navodnjavanje također je iznimno važna. Mnogo faktora je bitno posebno kod nas ovdje u slivu Neretve.

Miješane farme u EU

Farmeri koji se bave organskim uzgojem, proizvođači, trgovci i uvoznici moraju odgovoriti višim, ali realističnim kriterijima samoodrživosti i proći kroz stroge provjere hrane, kako bi ojačali povjerenje građana u organsku hranu u Europskoj uniji.

U Europskoj uniji postoje mjere kojima se izbjegava zagađenje organske hrane na farmama, uključujući i miješane organske i konvencionalne farme uz kontinuiranu pomoć manjim poljoprivrednicima da pređu na organski uzgoj.


Organski uzgoj u Europskoj uniji zahtjeva usklađenu kontrolu kroz cjelokupni lanac opskrbe kako bi se spriječila prevara hranom. Vrše se redovite kontrole organskih farmi, a na snazi su i mjere predostrožnosti.

Njima je povećana odgovornost sudionika kroz cijeli lanac opskrbe organskom hranom te izbjeglo korištenje nedozvoljenih metoda. Ukoliko su pravila EU o organskom uzgoju prekršena ili se sumnja na korištenje neodobrenog pesticida, konačni proizvod s te

Oznakom podrijetla zaštićeni su Livanjski izvorni sir i Drvarski mučeni pekmez od drenjina, dok su oznakom zemljopisnog podrijetla zaštićeni Nevesinjski krompir, Visočka pečenica i Livanjski sir

farme ne možedobiti etiketu koja potvrđuje da se radi o organskom proizvodu sve dok se ne provedu daljnja ispitivanja. Proizvod će moći biti stavljen na tržište kao organski samo ako je jasno, nakon odgovarajućeg ispitivanja, da je izbjegnuto onečišćenje te da je proizvođač organskih proizvoda poduzeo odgovarajuće mjere kako bi izbjegao onečišćenje.

Izostavljene su takozvane miješane farme, koje proizvode i konvencionalne i organske prehrambene proizvode, pod uvjetom da je na njima konvencionalna proizvodnja jasno odvojena od organske. Podržani su i grupni certifikati za manje farmere kako bi im se poslovanje učinilo što jednostavnijim i privuklo što više manjih farmara da krenu s proizvodnjom organskih proizvoda. **Dnevni list**



U Europskoj uniji postoje mjere kojima se izbjegava zagađenje organske hrane na farmama, uključujući i miješane organske i konvencionalne farme uz kontinuiranu pomoć manjim poljoprivrednicima da pređu na organski uzgoj.



Ćušić: Cijeli svijet proizvodi organsku hranu i ide se u tom smjeru i kod nas. Najviše tih preparata je na bazi morskih algi. Taj preparat je koristan i dosta pomaže biljkama. Najbolja opcija za kvalitetnu proizvodnju je prije svega detaljna analiza zemljišta.



Vidačak: Na razini EU, do kraja 2021. godine, zaštićeno je i ukupno registrirano 1.635 naziva poljoprivrednih i prehrambenih proizvoda, od čega 668 naziva oznakom podrijetla, 905 naziva oznakom zemljopisnog podrijetla i 62 naziva oznakom zajamčeno tradicionalnog specijaliteta



VISOČKA PEČENICA



LIVANJSKI IZVORNI SIR



LIVANJSKI SIR





S hladni n vremenom i korona se širi

U narednim mjesecima očekuje se porast broja hospitalizacija i smrtnih slučajeva, upozoravaju predstavnici Svjetske zdravstvene organizacije u BiH

S obzirom na to da je epidemiološka situacija u našoj zemlji stabilna, a čelnici Svjetske zdravstvene organizacije posljednjih dana poručuju kako se nazire kraj pandemije koronavirusa u svijetu, iz UN SZO Ureda u Bosni i Hercegovini kažu kako u posljednje vrijeme bilježe očekivan pad novooboljelih od Covid-19 u cijelom evropskom regionu, čiji je dio i Bosna i Hercegovina.

Varijanta omikrona

Međutim, s približavanjem hladnijeg vremena u narednim mjesecima očekuju porast broja hospitalizacija i smrtnih slučajeva.

- Razlog je to što su varijante omikrona prenosivije od prethodnih, posebno kada osobe više borave u zatvorenom prostoru i kada je manja mogućnost odgovarajuće ventilacije. Virus je i dalje smrtonosan, posebno za nevakcinisane, kaže za Oslobođenje Lejla Beglerović, stručnjak za komunikacije UN SZO Ureda u Sarajevu.

Virus je prisutan oko nas i dalje, naglašavaju iz ovog ureda, te uzrokuje hospitalizaciju brojnih osoba.

- Još uzrokuje previše smrti, 3.555 samo u toku protekle nedjelje, oko trećine ukupnog broja zabilježenih globalno u evropskom regionu, naglasila je Beglerović.

Prema posljednjim izvještajima, u našoj zemlji registrovane su 53 osobe pozitivne na koronavirus, od 397 obrađenih testova. Prijavljena su četiri smrtna ishoda i to tri u Federaciji BiH i jedan u Republici

Srpskoj, saopćeno je iz entitetskih ustanova za javno zdravstvo i **Vlade Brčko distrikta BiH.**

Epidemiologinja dr. Jasmina Brkić-Džambić iz Zavoda za javno zdravstvo Tuzlanskog kantona kaže u izjavi za Oslobođenje da je trenutna epidemiološka situacija u kantonu povoljna budući da je broj zaraženih u padu.

- Na početku septembra, tačnije 1. 9, na dnevnom nivou imali smo 62 PCR pozitivna lica, dok ih 23. 9. ima osam. Ukupno je u septembru registrovano 618 zaraženih osoba, naglašava dr. Brkić-Džambić.

Trenutno je u Tuzlanskom kantonu 101 osoba aktivno zaražena, a od tog broja njih šest je na hospitalizaciji i uglavnom se radi o osobama starije životne dobi sa drugim komorbiditetima, gdje dominiraju dijabetes, kardiovaskularne bolesti i maligniteti.

- U septembru smo imali i 11 smrtnih ishoda, gdje je najstarija umrla osoba bila 1935, a najmlađa 1962. godište. U biti, od 11 umrlih, 10 ih je iznad 65 godina i jedno u dobi 50-64, kaže naša sagovornica te naglašava da trenutno nema mlađih osoba na liječenju niti djece, uglavnom su to osobe iznad 65, tačnije od 75 pa do 88 godina.

Kod novootkrivenih slučajeva radi se o blažoj kliničkoj slici.


Procenti

Iz Instituta za javno zdravstvo RS-a portparolka Milka Mrđa kazala je u izjavi za Oslobođenje da je i u Republici Srpskoj trenutno stabilna epidemiološka situacija.

- U skladu sa sedmičnim podacima evidentira se dalji pad broja novooboljelih. Najveći broj novooboljelih je među osobama starije životne dobi. Procenat pozitivnih uzoraka među svim testiranim iznosi 29 posto na sedmičnom nivou. U bolnicama je trenutno 100 hospitalizovanih osoba, dok je pet na respiratoru, kazala je Mrđa.

MERIMA BABIĆ

Prema posljednjim izvještajima, u našoj zemlji registrovane su 53 osobe pozitivne na koronavirus, te četiri smrtna ishoda



Koronavirus je još prisutan oko nas / SENAD GUBELIĆ